



熱人騎鐵馬

熱人的日時，不管時日頭擺真猛，天氣熱翕翕，敢若火燒埔咧。定聽人講，若是無代誌莫出去，無是會著痧。天氣漚鬱袂當出去 lau-lau 咧，心內有淡薄仔鬱卒，一直到下晡日頭光較軟，想著這句「巧的顧身體，戇的顧家伙」，我就決定欲騎鐵馬出去捫捫咧。

這個時陣，鐵馬騎佇打馬膠路，嘛是會燐著燒氣，管待伊，總比透中晝較好。鐵馬騎咧四界玲瓏捫，看著有蔭的所在小覷一下仔，規身軀汗漚漚滴，閣喙焦喉渴。這個所在若有礫冰，毋知恁好咧？山頂哪會有礫冰，我是佇咧陷眠是無？

擰頭一下看，ěnn！溪仔水哪會強欲焦去，敢若賭一絲氣絲仔全款，佇遐喘一下、熾一下。一大片青 ling-ling 的草仔埔，嘛臭火焦去矣。平常時仔，規嚨規黨的狗群，嘛毋知走去佢？粟鳥仔嘛驚熱，覷踎大欖樹跤，佇遐嗤舞嗤吡，毋知是咧潤喉抑是咧相褒。干焦天頂白色薄薄的雲炆，全款勻勻仔徙蓮花步。我足想欲大聲對日頭唱聲，共伊喝講：「拜託咧，拄好就會使，毋好傷超過，逐家攏強欲接載袂牢矣」。

鐵馬騎到日頭落山，跤一下踢，風一下吹，踢愈緊、風愈透，咻、咻、咻感覺足爽快的。拄才熱甲擋袂牢，捫捫唸的代誌，這馬擺放袂記得矣。踐踏仔一直踢，踢到半山崙仔的土地公廟仔，我雙手合掌共土地公伯仔講：「你好。」踢去幹角的教堂，我用正手佇頭額佻肩胛頭點三下，毋知按呢著抑是毋著，共耶穌講：『A--men。』踢去河濱公園看著大欖榕仔樹，釘落來的根粗閣長。我細聲問榕仔樹公講：「榕仔樹公，喙鬚哪會遐爾長，你到底是幾歲？」。熱人騎鐵馬去郊外 lau-lau 咧，雖然無礫冰通食，會當軟著新鮮空氣，嘛袂稞喔！

熱人騎鐵馬，去郊外親近大自然，節能減碳無烏煙，心情開闊無憂愁，身體健康毋免求。這就是人講的：「一兼二顧，摸蜊仔兼洗褲，番薯溝兼種芋。」熱人若無議量的時，就來騎鐵馬捫捫咧。

作者：紀春綢

☆詞彙學習☆

【熱人】juáh--lâng/luáh--lâng：夏天。

【不管時】put-kuán-sî：隨時、任何時候。

【猛】mé：旺盛而強烈的樣子。

【著痧】tiòh-sua：中暑。

【家伙】ke-hué/ke-hé：指財產。

【管待伊】kuán-thāi--i：不管他、不理會他。

【嗤舞嗤吡】tshi-bú-tshih-tshū：說話小聲怕別人聽見的樣子。

【唱聲】tshiàng-siann：以言語大聲威嚇、撻狠話，表示警告與不滿，並帶有挑釁意味。

【接載】tsih-tsài：支撐、支持。